

Дунёнинг энг гўзал шаҳарида қурилган биринчи масжид



16:00 / 17.12.2020 2630

Дунёнинг энг гўзал шаҳри деб ном олган Янги Зеландиянинг Квинстаун шаҳрида биринчи масжиднинг очилиш маросими нишонланди. Бу ҳақда islam.ru сайти хабар берди.

Узоқ йиллик тайёргарлик ва маблағ йиғиш ҳаракатларидан сўнг ушбу юрт мусулмон халқининг орзулари ўшалди.

«Биз мусулмонлар жамоаси ниҳоят ибодат қиладиган жойга эга бўлганимиздан жуда ҳам мамнунмиз. Шу пайтгача биз жамоат жойларини ижарага олганмиз. Баъзан эса Вақатип кўли бўйида намоз ибодатини адо қилар эдик», дейди маҳаллий Ислом маркази раиси Муҳаммад Надим.

Бундан ташқари «Биз бинонинг калитларини олдик ва бугун кечқурун масжидда биринчи намозимизни ўқидик», деб қўшимча қилди Надим.

Мусулмонлар жамоаси 2019 йил март ойида шаҳардаги биринчи масжид учун маблаг йиғишни бошлаган. Масжиднинг умумий қийматининг 10 фоизини, яъни 430 минг долларни мусулмонлар тўлашди, қолган қисмини эса 2021 йил декабрь ойигача тўлаш керак. Квинстаун кўллар мэри Жим Боулт ушбу туманнинг ўз масжидига эга бўлишидан хурсандлигини айтди.

Квинстаунга энг яқин масжид Инверкаргилда деярли 200 км узоқликда жойлашган.

Хуршид Маъруф тайёрлади